



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Fasti Mariani Cum Divorvm Elogiis In Singvlos Anni Dies  
Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Angelus Carmelita. 5. Maii.

**urn:nbn:de:hbz:466:1-44055**

filium pessum euntem ex Africâ in Italiam usque  
secuta lacrimis , pro ejus salute tantum non exo-  
culavit sese. Monstravit certè parentibus , quam  
parum sit filium mundo peperisse , nisi in spem  
cæli educetur. Jam duo illi ex Imperatoris aula,  
qui lectâ Magni Antonii vitâ , nuntium mundo  
remiserant , tantum apud AVGUSTINVM potue-  
runt, ut exclamaret : *Quid hoc? quid audisti? surgunt  
in docti & calum rapiunt: & nos cum doctrinis nostris  
volutamur in carne & sanguine?* Sub hæc luctanti  
cum animo suo in conspectum se castitas dedit,  
ingenti omnium ordinum ac ætatum coronâ cin-  
cta, digitoque nunc senes aut viros , nunc pueros  
aut puellas signans, & tu, ajebat, *non poteris quod iſi  
aut iſta?* mox è cælo etiam vox istiusmodi allapa-  
tolle, lege, Sustulit ille, legitque : *non in comeditioni-  
bus & ebrietatibus, non in cubilibus & impudiciis, non  
in contentione & amulatione: sed induimini JESVM  
CHRISTVM.* Legit inquam hæc, & ex Manichæo  
Catholicus, ex Rhetore Ecclesiæ Doctor, ex mun-  
di amatore summo summus contemptor evasit.  
At nos qui eadem & audimus & legimus, moras  
moris nectimus , dicitque è cælo nobis ipse Di-  
vus , quæ sibi olim dicebat : *An quia præcesserunt,  
pudet sequi? & non pudet nec saltē sequi?* Ex ipius  
*D. August. Confess.*

*Si aurum tibi offeram, non mihi dicis, Cras veniam;  
sed jam exigis; nemo differt, nemo excusat. Redemptio  
anima promittitur, & nemo festinat.* S.Amb. in sem.  
de Jejun. & Eleemos.

S. ANGELUS CARMELITA. 5. Maii.

**R**Osam è spinis habe , ANGELVM , inquam, è  
parente utroque Judæo Jerosolymis natum.  
Sed

Sed quid dico? ipsæ hæ spinæ in rosas abierunt, cùm Cæli REGINA Magistram his in fide se præbuit, geminamque illis prolem Joannem Patriarcham, ANGELVMque nostrum Martyrem est vaticinata. Ergo cùm ad templum Christianorum se recepissent, ibique in sublimi hostiâ talem Christum, qualis olim à cruce pendebat, non dubiis jam oculis vidissent, Christo geniti Joannem primum, tum ANGELVM genuerunt. Hic altioris vittæ rudimenta in monte posuit Carmelo, qui & nomen illi dedit. Abhinc in seipsum primò, deinde in eremum descendit, ubi cùm solum se crederet, adesse sibi vidit JESVM, multo maximo SS. agmine stipatum, & jubentem, victorias suas Alexandriam ferret, inde ad palmam in Siciliam contenderet. Huc priusquam Româ iret, DD. Franciscum & Dominicum felici pede offendit. Nam Franciscus repente plenus Numine fatidico ad pedes ANGELI accidit, osculoque his fixo, martyrem voce gratulabundâ salutavit. Sed & hunc vati suo vatem fuisse ajunt, & jam tum cæli nomine promisisse Francisco illa vulnera honestissima, alterum haud dubiè nec minus nobile martyrium. Cæterum in Siciliam appulsus, cùm Berengarium Comitem incestâ cum sorore consuetudine multis jam annis infamem clam primò, tum palam castigasset, immissâ hæreticorum manu, in ipso templo, plura vulnera pro concione interque hæc lethale accepit. Atque ex hoc paulò post mortuus, ad cognomines abiit ANGELVS. Ex Ezov. 13. tom. Ann. Eccl. & Ferr.

*Quid ultra debuit facere Christus & non fecit?  
Cujus vel saxeum pectus tanta & talis, à tanto & tali  
collata multitudo beneficiorum non emolliat? quidquid  
igitur*

*s. Maii.*  
igitur es, quidquid potes, debes creanti, redimenti, ve-  
canti. S. Bern. super illud, Regnum Dei, &c.

S. JUTTA VIDUA. *s. Maii.*

**Q**ui JVTTAM legis, legentem lege. Nam &  
illa à teneris vitas legere Divorum gaude-  
bat; sed & quod pauci facimus, facere gaudebat,  
quæ legerat. Nubilem jam & fugam è mundo  
meditantem, nuptiæ illustres implicarunt, neque  
tamen manus virtuti ligarunt. Mundum omnem  
muliebrem, quem à parentibus & ipsis illustribus  
nobilissimum acceperat, ad vestienda ornandaque  
mendicabula omnē contulit, rectè non pulchritus  
micare gemmas & uniones rata, quam in pauperis  
Christi centonibus. Jamque ed devenerat, ut de-  
coctâ ingenti dote, necessaria ad vitam mendicare  
ipsa non sine risu improborum cogeretur. Sed lau-  
davit Christus hanc prodigalitatem conspicuus,  
& iterum dita vit illis verbis: *Omnia mea tua sunt,*  
*& tua mea.* *Enim* verò tam opulentam se ubi cir-  
cumspexit JVTTA, effusior etiam dehinc vixit.  
Neque tamen redigi ad incitas potuit liberalis  
dextera. Iterum Christus illi visus potestatem fe-  
cit ex divite cordis sui ærario quas liberet opes  
depromendi. Illa Sapientiæ sanctioris thesauros  
deprompsit, ut jam sine alio Doctore arcana fidei  
calleret, & in ipsa adyta sanctissimæ Triadis mu-  
lier se penetraret. Nimirum neque jam supremum  
ægram à Christo ad notas delitias invitata miror,  
neque dubito animum membris solutum recta in  
cælos abiisse, cum versus hos in aërem abiisse inter  
preces, etiam cum corporis pondere legam. Ex  
Bzov. tom. 13. Ann. Eccl.

*Suscipiat fidelis anima Auctoris sui atque Rectori  
immar.*